

A Consellería de Pesca reclama a 1.263 afectados pola catástrofe do Prestige que devolvan as axudas que receberam, xa que se detectaron erros na súa concesión. Ao revisar as solicitudes, a Xunta descubriu que ben por fallos da propia administración ou por fraudes na documentación presentada polos damnificados pagara un total de 1,8 millóns de euros de forma indebida. O departamento que dirixe Enrique López Veiga solicitou xa por carta á maioría dos afectados que reintegren o diñeiro. Se nun prazo de tres meses non se produce a devolución, o Goberno galego recorrerá vía xudicial para reclamar os pagos.

A práctica totalidade das persoas que cobraron estas axudas por erro comunicou xa á Administración a súa intención de devolver o diñeiro, despois de recibir a notificación de Pesca. A Xunta enviou ata catro cartas distintas a algúns afectados para lles pedir a restitución das subvencións. O último requeremento realizou-no o pasado 4 de marzo.

Fican, sen embargo, 38 persoas coas que a Consellería de Pesca aínda non puido pór-se en contacto para lles reclamar a devolución das subvencións. "Non se lles pudo entregar a notificación, ou ben por erros no enderezo ou porque non queren recibí-la", explicou o director xeral de Estruturas e Prazas, Andrés Hermida. Son un total de 52.400 euros que aínda están pendentes de pago. O departamento de López Veiga publicou os seus nomes na Diaria Oficial de Galicia e darlles un prazo de tres meses para o reintegro das axudas antes de recorrer á vía xudicial.

Tras a catástrofe do Prestige, a Xunta ofreceu unha liña de axudas a todos os profesionais afectados polo paro forzoso da actividade pesqueira a causa da contaminación mariá. En total foron 122.000 os afectados que cobraron estas compensacións durante o tempo que estivo prohibida a pesca, uns catro meses.

Nese momento o Goberno galego apurou ao máximo os límites da concesión de axudas para entregar canto antes o diñeiro aos afectados. Por este motivo, Pesca tivo que revisar a documentación para se asegurar que as subvencións se entregaron correctamente.

Sen embargo, o director xeral de Estruturas explica que algúns afectados estiveron a cobrar as axudas polo cese de actividade pese a que finalmente saíron a faenar ou atoparon outro traballo. Tamén se detectaron fallos na tramitación das compensacións por parte da Administración. "Houbo erros informáticos ou confusións xa que houbo xente que se deu de

Pesca reclama a 1.263 afectados polo Prestige, que devolvan as axudas

Escrito por
Luns, 24 Maio 2004 05:48

baixa das axudas e non aparecia constancia nos arquivos da Xunta", explicou Andr s Hermida.

www.farodevigo.es